



**განათლების, მეცნიერებისა და
ახალგაზრდობის მინისტრი**

12/03/2024



MES 2 24 0000297544

ბრძანება

თბილისი

**ზოგადსაგანმანათლებლო, პროფესიული და უმაღლესი საგანმანათლებლო დაწესებულებების
ავტორიზაციის, საგანმანათლებლო პროგრამების აკრედიტაციისა და სააპელაციო საბჭოების
წევრობის კანდიდატთა შერჩევის წესის დამტკიცების შესახებ**

საქართველოს ზოგადი ადმინისტრაციული კოდექსის 61-ე მუხლის, „საქართველოს მთავრობის სტრუქტურის, უფლებამოსილებისა და საქმიანობის წესის შესახებ“ საქართველოს კანონის 21-ე მუხლის, „საქართველოს განათლების, მეცნიერებისა და ახალგაზრდობის სამინისტროს დებულების დამტკიცების შესახებ“ საქართველოს მთავრობის 2023 წლის 26 დეკემბრის N524 დადგენილებით დამტკიცებული „საქართველოს განათლების, მეცნიერებისა და ახალგაზრდობის სამინისტროს დებულების“ მე-3 მუხლის მე-2 პუნქტის „ა“ და „ლ“ ქვეპუნქტების, „სამართლებრივი აქტების პროექტების შემუშავების მიზნით ინიციატივების/პროექტების წარმოდგენის წესისა და ვადების დამტკიცების შესახებ“ საქართველოს განათლების, მეცნიერებისა და ახალგაზრდობის მინისტრის 2024 წლის 15 იანვრის N28880 ბრძანების საფუძველზე და სსიპ - განათლების ხარისხის განვითარების ეროვნული ცენტრის დირექტორის მოვალეობის შემსრულებლის 2024 წლის 13 თებერვლის N148546 და 2024 წლის 27 თებერვლის N218795 წერილების გათვალისწინებით

ვ ბ რ ძ ა ნ ე ბ ა:

1. დამტკიცდეს „ზოგადსაგანმანათლებლო, პროფესიული და უმაღლესი საგანმანათლებლო დაწესებულებების ავტორიზაციის, საგანმანათლებლო პროგრამების აკრედიტაციისა და სააპელაციო საბჭოების წევრობის კანდიდატთა შერჩევის წესი“ ამ ბრძანების დანართის შესაბამისად.
2. ძალადაკარგულად გამოცხადდეს საქართველოს განათლების, მეცნიერების, კულტურისა და სპორტის მინისტრის 2018 წლის 13 აგვისტოს N93 ბრძანება.
3. ბრძანება ძალაშია ხელმოწერისთანავე.

4. ბრძანება შეიძლება გასაჩივრდეს მისი გამოცემიდან ერთი თვის ვადაში თბილისის საქალაქო სასამართლოში (მის.: ქ. თბილისი, დავით აღმაშენებლის ხეივანი N64).

საქართველოს განათლების, მეცნიერებისა
და ახალგაზრდობის მინისტრი

გიორგი ამილახვარი



ზოგადსაგანმანათლებლო, პროფესიული და უმაღლესი საგანმანათლებლო დაწესებულებების ავტორიზაციის, საგანმანათლებლო პროგრამების აკრედიტაციისა და სააპელაციო საბჭოების წევრობის კანდიდატთა შერჩევის წესი

მუხლი 1. რეგულირების სფერო

ზოგადსაგანმანათლებლო, პროფესიული და უმაღლესი საგანმანათლებლო დაწესებულებების ავტორიზაციის, საგანმანათლებლო პროგრამების აკრედიტაციისა და სააპელაციო საბჭოების წევრობის კანდიდატთა შერჩევის წესი (შემდგომ - წესი) განსაზღვრავს ზოგადსაგანმანათლებლო, პროფესიული და უმაღლესი საგანმანათლებლო დაწესებულებების ავტორიზაციის, საგანმანათლებლო პროგრამების აკრედიტაციისა და სააპელაციო საბჭოების წევრობის კანდიდატთა შერჩევის პროცედურებსა და პირობებს.

მუხლი 2. ზოგადსაგანმანათლებლო, პროფესიული და უმაღლესი საგანმანათლებლო დაწესებულებების ავტორიზაციის, საგანმანათლებლო პროგრამების აკრედიტაციისა და სააპელაციო საბჭოების წევრობის კანდიდატთა შესარჩევი კომისია/კომისიები

1. ამ წესით განსაზღვრულ პირობათა დაცვით წარმოდგენილ ზოგადსაგანმანათლებლო, პროფესიული და უმაღლესი საგანმანათლებლო დაწესებულებების ავტორიზაციის, საგანმანათლებლო პროგრამების აკრედიტაციის და სააპელაციო საბჭოს წევრობის კანდიდატთა შერჩევის მიზნით, სსიპ - განათლების ხარისხის განვითარების ეროვნული ცენტრის (შემდგომ - ცენტრი) დირექტორის ბრძანებით იქმნება კომისია/კომისიები (შემდგომ - კომისია).
2. კომისია შედგება განათლების სფეროში სათანადო კომპეტენციის მქონე პირებისაგან. კომისიის შემადგენლობაში შედიან: ცენტრის, ცენტრის საკოორდინაციო საბჭოს (შემდგომ - საკოორდინაციო საბჭო), საქართველოს განათლების, მეცნიერებისა და ახალგაზრდობის სამინისტროს (შემდგომ - სამინისტრო), მის სისტემაში შემავალი საჯარო სამართლის იურიდიული პირის/პირების წარმომადგენლები, აგრეთვე, დამოუკიდებელი მოწვეული პირები.
3. კომისიის შემადგენლობის არანაკლებ 2/3 კომპლექტდება საკოორდინაციო საბჭოს წევრებით, რომელთა კანდიდატურებს ცენტრის დირექტორს წარუდგენს საკოორდინაციო საბჭოს თავმჯდომარე.

მუხლი 3. ზოგადსაგანმანათლებლო დაწესებულებების ავტორიზაციის საბჭოს წევრთა კანდიდატურების შერჩევის კრიტერიუმები

1. ზოგადსაგანმანათლებლო დაწესებულებების ავტორიზაციის საბჭოს წევრობის კანდიდატები შეიძლება იყვნენ საჯარო სამართლის იურიდიული პირის ფორმით და კერძო სამართლის იურიდიული პირის ფორმით დაფუძნებული საგანმანათლებლო დაწესებულებების წარმომადგენლები (ადმინისტრაციული, პედაგოგიური პერსონალი), დამსაქმებელთა

წარმომადგენლები, ზოგადი განათლების ექსპერტი, ზოგადი განათლების მიმართულებით მომუშავე სამოქალაქო (არასამთავრობო) სექტორისა და საერთაშორისო ორგანიზაციების წარმომადგენლები.

2. ზოგადსაგანმანათლებლო დაწესებულების ავტორიზაციის საბჭოს წევრობის კანდიდატთა შერჩევის პროცესში ცენტრი ხელმძღვანელობს მოქმედი კანონმდებლობით.

3. ზოგადსაგანმანათლებლო დაწესებულებების ავტორიზაციის საბჭოს წევრობის კანდიდატი, რომელიც წარმოდგენილია:

ა) საგანმანათლებლო დაწესებულების პედაგოგიური ან ადმინისტრაციული პერსონალის კვოტით, უნდა აკმაყოფილებდეს შემდეგ საკვალიფიკაციო მოთხოვნებს:

ა.ა) არანაკლებ მაგისტრის ან მასთან გათანაბრებული აკადემიური ხარისხი და პედაგოგიურ/ადმინისტრაციულ/შესაბამის სამეცნიერო სფეროში მუშაობის არანაკლებ 3 წლიანი გამოცდილება;

ა.ბ) საგანმანათლებლო პროგრამის შემუშავების, განხორციელებისა და განვითარების სპეციფიკის ცოდნა ან/და ამ პროცესებში მონაწილეობის გამოცდილება.

ბ) დამსაქმებელთა კვოტით, უნდა აკმაყოფილებდეს შემდეგ საკვალიფიკაციო მოთხოვნებს:

ბ.ა) ბაკალავრის ან მასთან გათანაბრებული აკადემიური ხარისხი და შესაბამის სფეროში საშუალო ან ზედა რგოლის მენეჯერულ პოზიციებზე მუშაობის გამოცდილება;

ბ.ბ) საბჭოს წევრობის კანდიდატად წარდგენის დროისთვის მოქმედი დამსაქმებლის სტატუსის ქონა.

გ) ზოგადი განათლების ექსპერტის, ზოგადი განათლების მიმართულებით მომუშავე სამოქალაქო (არასამთავრობო) სექტორისა და საერთაშორისო ორგანიზაციების კვოტით უნდა აკმაყოფილებდეს შემდეგ მოთხოვნებს:

გ.ა) ბაკალავრის ან მასთან გათანაბრებული აკადემიური ხარისხი;

გ.ბ) ზოგადი განათლების სფეროში არანაკლებ 2 წლიანი მუშაობის გამოცდილება.

4. ზოგადსაგანმანათლებლო დაწესებულებების ავტორიზაციის საბჭოს წევრობის კანდიდატები უნდა იყვნენ დამოუკიდებლები, მიუკერძოებლები, უნდა შეეძლოთ ნეიტრალურობის შენარჩუნება ნებისმიერ სიტუაციაში და საკუთარი ფუნქციის შესრულება პროფესიული ეთიკის ნორმების დაცვით.

მუხლი 4. უმაღლესი საგანმანათლებლო დაწესებულებების ავტორიზაციის და საგანმანათლებლო პროგრამების აკრედიტაციის საბჭოების წევრთა კანდიდატურების შერჩევის კრიტერიუმები

1. უმაღლესი საგანმანათლებლო დაწესებულებების ავტორიზაციის და საგანმანათლებლო პროგრამების აკრედიტაციის საბჭოების წევრობის კანდიდატები შეიძლება იყვნენ საჯარო სამართლის იურიდიული პირის ფორმითა და კერძო სამართლის იურიდიული პირის ფორმით დაფუძნებული უმაღლესი საგანმანათლებლო დაწესებულებების წარმომადგენლები (ადმინისტრაციული, მოწვეული/აკადემიური, სამეცნიერო პერსონალი, გარდა - უმაღლესი საგანმანათლებლო დაწესებულების დამფუძნებლის ან/და წილის მფლობელისა და უმაღლესი საგანმანათლებლო დაწესებულებაში უმაღლეს მმართველობით თანამდებობაზე დასაქმებული პირებისა: უმაღლესი საგანმანათლებლო დაწესებულების ხელმძღვანელი (რექტორი), რექტორის მოადგილე (პრორექტორი), ადმინისტრაციის ხელმძღვანელი (კანცლერი), უმაღლესი საგანმანათლებლო დაწესებულების ხარისხის უზრუნველყოფის სამსახურის ხელმძღვანელი)

დამსაქმებელთა წარმომადგენლები, განათლების მიმართულებით მომუშავე სამოქალაქო (არასამთავრობო) სექტორისა და საერთაშორისო ორგანიზაციების წარმომადგენლები, სტუდენტი, აგრეთვე, სამეცნიერო-კვლევითი დაწესებულების სამეცნიერო პერსონალის წარმომადგენლები, რომლებსაც გააჩნიათ საგანმანათლებლო დაწესებულების ინსტიტუციური მართვის, განვითარების ან/და საგანმანათლებლო პროგრამების განვითარების მიმართულებით სათანადო ცოდნა.

2. უმაღლესი საგანმანათლებლო დაწესებულებების ავტორიზაციის და საგანმანათლებლო პროგრამების აკრედიტაციის საბჭოების წევრობის კანდიდატთა შერჩევის პროცესში ცენტრი ხელმძღვანელობს საქართველოს მოქმედი კანონმდებლობით, აგრეთვე, შესაბამისი საბჭოს მოწვეული წევრების კანდიდატების შერჩევისას, ცენტრი იყენებს სამედიცინო განათლების მსოფლიო ფედერაციის მიერ დადგენილ მოთხოვნებსა და კრიტერიუმებს.

3. უმაღლესი საგანმანათლებლო დაწესებულებების ავტორიზაციის და საგანმანათლებლო პროგრამების აკრედიტაციის საბჭოების წევრობის კანდიდატი, რომელიც წარმოდგენილია:

ა) უმაღლესი საგანმანათლებლო დაწესებულების მოწვეული/აკადემიური, სამეცნიერო ან ადმინისტრაციული პერსონალის კვოტით, ასევე სამეცნიერო-კვლევითი დაწესებულების სამეცნიერო პერსონალის კვოტით, უნდა აკმაყოფილებდეს შემდეგ საკვალიფიკაციო მოთხოვნებს:

ა.ა) არანაკლებ დოქტორის ან მასთან გათანაბრებული აკადემიური ხარისხი და მოწვეული/აკადემიური პერსონალის პოზიციაზე ან სამეცნიერო სფეროში მუშაობის არანაკლებ 10 წლიანი გამოცდილება;

ა.ბ) საგანმანათლებლო პროგრამის შემუშავების, განხორციელებისა და განვითარების სპეციფიკის ცოდნა ან/და ამ პროცესებში მონაწილეობის გამოცდილება ან/და სამეცნიერო-კვლევითი საქმიანობის წარმართვა/საქმიანობაში მონაწილეობა.

ბ) დამსაქმებელთა, ასევე, განათლების მიმართულებით მომუშავე სამოქალაქო (არასამთავრობო) სექტორისა და საერთაშორისო ორგანიზაციის კვოტით, უნდა აკმაყოფილებდნენ შემდეგ საკვალიფიკაციო მოთხოვნებს:

ბ.ა) მაგისტრის ან მასთან გათანაბრებული აკადემიური ხარისხი და შესაბამის სფეროში საშუალო ან ზედა რგოლის მენეჯერულ პოზიციებზე მუშაობის გამოცდილება;

ბ.ბ) საბჭოს წევრობის კანდიდატად წარდგენის დროისთვის მოქმედი დამსაქმებლის სტატუსის ქონა.

გ) სტუდენტის კვოტით, უნდა აკმაყოფილებდეს შემდეგ საკვალიფიკაციო მოთხოვნებს:

გ.ა) არანაკლებ მაგისტრატურის სტუდენტის აქტიური სტატუსის ქონა;

გ.ბ) მაღალი აკადემიური მოსწრება;

გ.გ) სტუდენტურ და საგანმანათლებლო აქტივობებში ჩართულობა.

4. უმაღლესი საგანმანათლებლო დაწესებულებების ავტორიზაციის და საგანმანათლებლო პროგრამების აკრედიტაციის საბჭოების წევრობის კანდიდატები უნდა იყვნენ დამოუკიდებლები, მიუკერძოებლები, უნდა შეეძლოთ ნეიტრალურობის შენარჩუნება ნებისმიერ სიტუაციაში და საკუთარი ფუნქციის შესრულება პროფესიული ეთიკის ნორმების დაცვით.

5. უმაღლესი საგანმანათლებლო დაწესებულებების ავტორიზაციის და საგანმანათლებლო პროგრამების აკრედიტაციის საბჭოების წევრობის კანდიდატები უნდა შეირჩეს იმ პრინციპით, რომ მასში შემავალ წევრთა კომპეტენცია ფარავდეს განათლების მაქსიმალურად მეტ სფეროს, ხოლო საგანმანათლებლო პროგრამების აკრედიტაციის საბჭოს შემთხვევაში, შესაბამისი საბჭოს

საქმიანობის პერიოდში გეგმიურად შესაფასებელ სფეროებს.

მუხლი 5. პროფესიული საგანმანათლებლო დაწესებულებების ავტორიზაციის საბჭოს წევრთა კანდიდატურის შერჩევის კრიტერიუმები

1. პროფესიული საგანმანათლებლო დაწესებულებების ავტორიზაციის საბჭოს წევრობის კანდიდატები შეიძლება იყვნენ დამსაქმებლის/მათი გაერთიანების, დარგობრივი გაერთიანების, სამოქალაქო სექტორის (არასამთავრობო) ან/და საერთაშორისო ორგანიზაციების წარმომადგენლები, პროფესიული განათლების ექსპერტები და პროფესიული საგანმანათლებლო პროგრამების განმახორციელებელი საგანმანათლებლო დაწესებულებების წარმომადგენლები.

2. პროფესიული საგანმანათლებლო დაწესებულებების ავტორიზაციის საბჭოს წევრობის კანდიდატთა შერჩევის პროცესში ცენტრი ხელმძღვანელობს მოქმედი კანონმდებლობით.

3. პროფესიული საგანმანათლებლო დაწესებულებების ავტორიზაციის საბჭოს წევრობის კანდიდატი, რომელიც წარმოდგენილია:

ა) დამსაქმებლის/მათი გაერთიანების კვოტით, უნდა აკმაყოფილებდეს შემდეგ მოთხოვნებს:

ა.ა) უმაღლესი ან პროფესიული განათლება;

ა.ბ) საშუალო ან ზედა რგოლის მენეჯერულ პოზიციაზე მუშაობის გამოცდილება არანაკლებ 1 წლის განმავლობაში, ამასთან, საბჭოს წევრად წარდგენის მომენტისათვის საშუალო ან ზედა რგოლის მენეჯერულ პოზიციაზე დასაქმებულის სტატუსის ქონა;

ბ) დარგობრივი გაერთიანების კვოტით, უნდა აკმაყოფილებდეს შემდეგ მოთხოვნებს:

ბ.ა) პროფესიული განათლება ან/და უმაღლესი განათლება;

ბ.ბ) შესაბამის დარგობრივ გაერთიანებაში ბოლო 1 წლის განმავლობაში საშუალო ან ზედა რგოლის მენეჯერულ პოზიციაზე დასაქმებულის სტატუსის ქონა;

გ) სამოქალაქო სექტორის (არასამთავრობო) ან/და საერთაშორისო ორგანიზაციების კვოტით, უნდა აკმაყოფილებდეს შემდეგ მოთხოვნებს:

გ.ა) უმაღლესი ან პროფესიული განათლება;

გ.ბ) განათლების სფეროში არანაკლებ 2 წლიანი მუშაობის გამოცდილება;

დ) პროფესიული განათლების ექსპერტის სტატუსით, უნდა აკმაყოფილებდეს შემდეგ მოთხოვნებს:

დ.ა) უმაღლესი განათლება;

დ.ბ) პროფესიული განათლების სფეროში მუშაობის არანაკლებ 3 წლიანი გამოცდილება;

ე) პროფესიული საგანმანათლებლო პროგრამების განმახორციელებელი საგანმანათლებლო დაწესებულებების კვოტით, უნდა აკმაყოფილებდეს შემდეგ მოთხოვნებს:

ე.ა) პროფესიული ან/და უმაღლესი განათლება და ბოლო 5 წლის განმავლობაში პროფესიული განათლების მიმართულებით სწავლების არანაკლებ 3 წლიანი გამოცდილება;

ე.ბ) საგანმანათლებლო პროგრამის შემუშავების, განხორციელებისა და განვითარების სპეციფიკის ცოდნა ან/და ამ პროცესში მონაწილეობის გამოცდილება;

ე.გ) საგანმანათლებლო დაწესებულებების წარმომადგენელი არ უნდა იყოს დაწესებულებაში ადმინისტრაციულ პოზიციაზე დასაქმებული პირი ან დაწესებულების დამფუძნებელი ან/და წილის მფლობელი.

4. პროფესიული საგანმანათლებლო დაწესებულებების ავტორიზაციის საბჭოს წევრობის

კანდიდატები უნდა იყვნენ დამოუკიდებლები, მიუკერძოებლები, უნდა შეეძლოთ ნეიტრალურობის შენარჩუნება ნებისმიერ სიტუაციაში და საკუთარი ფუნქციის შესრულება პროფესიული ეთიკის ნორმების დაცვით.

მუხლი 6. სააპელაციო საბჭოს წევრთა კანდიდატურების შერჩევის წესი

1. სააპელაციო საბჭო შედგება 9 წევრისგან. სააპელაციო საბჭოს წევრობის კანდიდატებს შეარჩევს კომისია, რომელთა შემადგენლობაში შედიან ამ წესის მე-2 მუხლის მე-2 პუნქტით განსაზღვრული პირები.

2. სააპელაციო საბჭოს წევრობის კანდიდატი შეიძლება იყოს:

ა) საჯარო სამართლის იურიდიული პირის ფორმითა და კერძო სამართლის იურიდიული პირის ფორმით დაფუძნებული საგანმანათლებლო დაწესებულებების წარმომადგენელი (პედაგოგიური, მოწვეული/აკადემიური, სამეცნიერო პერსონალი), ამასთან:

ა.ა) ზოგადსაგანმანათლებლო მიმართულებით წარდგენილი კანდიდატი აგრეთვე შესაძლებელია იყოს საჯარო სამართლის იურიდიული პირის ფორმითა და კერძო სამართლის იურიდიული პირის ფორმით დაფუძნებული საგანმანათლებლო დაწესებულების ადმინისტრაციული პერსონალი;

ა.ბ) უმაღლესი საგანმანათლებლო მიმართულებით წარდგენილი კანდიდატი აგრეთვე შესაძლებელია იყოს საგანმანათლებლო დაწესებულების ადმინისტრაციული პერსონალი გარდა - უმაღლეს საგანმანათლებლო დაწესებულებაში უმაღლეს მმართველობით თანამდებობაზე დასაქმებული პირებისა (უმაღლესი საგანმანათლებლო დაწესებულების ხელმძღვანელი (რექტორი), რექტორის მოადგილე (პრორექტორი), ადმინისტრაციის ხელმძღვანელი (კანცლერი), უმაღლესი საგანმანათლებლო დაწესებულების ხარისხის უზრუნველყოფის სამსახურის ხელმძღვანელი, უმაღლესი საგანმანათლებლო დაწესებულების დამფუძნებელი ან/და წილის მფლობელი);

ბ) დამსაქმებელთა წარმომადგენელი;

გ) განათლების მიმართულებით მომუშავე სამოქალაქო (არასამთავრობო) სექტორისა და საერთაშორისო ორგანიზაციების წარმომადგენელი;

დ) სამეცნიერო-კვლევითი დაწესებულების სამეცნიერო პერსონალის წარმომადგენელი, რომელსაც გააჩნია საგანმანათლებლო დაწესებულების ინსტიტუციური განვითარების ან/და საგანმანათლებლო პროგრამების განვითარების მიმართულებით სათანადო ცოდნა.

3. სააპელაციო საბჭოს წევრობის კანდიდატთა შერჩევის პროცესში ცენტრი ხელმძღვანელობს საქართველოს მოქმედი კანონმდებლობით.

4. სააპელაციო საბჭოს წევრობის კანდიდატები შეირჩევიან ამ წესის მე-3-მე-5 მუხლებით გათვალისწინებული სუბიექტებიდან (მათი თანხმობის შემთხვევაში) და ეს კანდიდატები უნდა აკმაყოფილებდნენ იმავე მუხლებით განსაზღვრულ, თითოეული საბჭოს კანდიდატისათვის დადგენილ მოთხოვნებსა და კრიტერიუმებს.

5. კომისიის მიერ ამ მუხლის პირველი პუნქტით გათვალისწინებული კანდიდატების შერჩევა მიზანშეწონილია განხორციელდეს იმ პრინციპის დაცვით, რომ შერჩეული კანდიდატები თანაბრად წარმოადგენენ ამ წესის მე-3-მე-5 მუხლებით გათვალისწინებულ განათლების თითოეულ საფეხურს.

6. სააპელაციო საბჭოს წევრობის კანდიდატები უნდა იყვნენ დამოუკიდებლები,

მიუკერძოებლები, უნდა შეეძლოთ ნეიტრალურობის შენარჩუნება ნებისმიერ სიტუაციაში და საკუთარი ფუნქციის შესრულება პროფესიული ეთიკის ნორმების დაცვით.

მუხლი 7. კანდიდატების შერჩევის პროცესი

1. კანდიდატების შესარჩევად ცენტრი დაინტერესებულ პირთა ინფორმირების მიზნით შესაბამის ინფორმაციას განათავსებს ცენტრის ოფიციალურ ვებგვერდზე - www.eqe.ge. ცენტრი უფლებამოსილია, ინფორმაცია, ასევე, გაავრცელოს კომუნიკაციის სხვა საშუალებებითაც.
2. კანდიდატთა შერჩევის შესახებ ინფორმაცია უნდა შეიცავდეს:
 - ა) კონკრეტული საბჭოს დასახელებას;
 - ბ) შესარჩევ კანდიდატთა რაოდენობას;
 - გ) კონკრეტული საბჭოს წევრის ფუნქციების აღწერას;
 - დ) კონკრეტული საბჭოს წევრობის კანდიდატების წარდგენის ვადასა და წესს;
 - ე) კანდიდატის წარმდგენის (მაგ.: საგანმანათლებლო დაწესებულება, დამსაქმებელი, სამოქალაქო (არასამთავრობო) ან საერთაშორისო ორგანიზაცია, სამეცნიერო-კვლევითი დაწესებულება) შესახებ წარსადგენი მონაცემების ჩამონათვალს, გარდა თვითინიცირების შემთხვევისა;
 - ვ) კანდიდატთან დაკავშირებით წარსადგენი მონაცემების ჩამონათვალს;
 - ზ) დამატებით ინფორმაციას (საჭიროების შემთხვევაში).
3. განაცხადების მიღება ცხადდება შესაბამისი საბჭოს უფლებამოსილების ვადის გასვლამდე არანაკლებ 20 კალენდარული დღით ადრე.
4. ცენტრისთვის წარდგენილ განაცხადში (ამ წესის დანართი №1 და დანართი №2) მიეთითება იმ საბჭოს დასახელება, რომლის წევრობის კანდიდატად წარდგენაც ხდება.
5. ამ წესით გათვალისწინებული სუბიექტების მიერ კანდიდატის წარდგენის შესახებ განაცხადს თან უნდა ერთოდეს კანდიდატის წერილობითი თანხმობა შესაბამისი საბჭოს წევრობის კანდიდატად წარდგენის თაობაზე.
6. განაცხადების მიღების ვადა შეადგენს არანაკლებ 7 კალენდარულ დღეს.
7. ცენტრის დირექტორი შერჩეულ კანდიდატებს წარუდგენს საქართველოს განათლების, მეცნიერებისა და ახალგაზრდობის მინისტრს (შემდგომ - მინისტრი), რომელიც საბჭოს წევრობის წარდგენილ კანდიდატებს დასამტკიცებლად წარუდგენს საქართველოს პრემიერ - მინისტრს საბჭოს უფლებამოსილების ვადის გასვლამდე არანაკლებ 5 კალენდარული დღით ადრე.
8. კომისია საბჭოს წევრობის კანდიდატების შერჩევის პროცესში ხელს უწყობს საბჭოს საქმიანობის ინსტიტუციური მეხსიერების შენარჩუნებას.

მუხლი 8. კომისიის საქმიანობა

1. კომისია განიხილავს ამ წესის მიხედვით წარდგენილ კანდიდატებს და მოქმედი კანონმდებლობის მოთხოვნათა დაცვით, იღებს გადაწყვეტილებას ცენტრის დირექტორისთვის კანდიდატების წარდგენის შესახებ.
2. კომისიას ხელმძღვანელობს თავმჯდომარე, რომელიც არის ცენტრის დირექტორი ან ცენტრის დირექტორის ბრძანებით განსაზღვრული კომისიის წევრი. თავმჯდომარე იწვევს და უძღვება კომისიის სხდომას.
3. თავმჯდომარის არყოფნის შემთხვევაში, მის მოვალეობას ასრულებს დამსწრე კომისიის წევრთა უმრავლესობით არჩეული კომისიის ერთ-ერთი წევრი.

4. კომისია უფლებამოსილია, თუ კომისიის სხდომას ესწრება წევრთა ნახევარზე მეტი.
5. კომისიის თითოეულ წევრს აქვს ერთი ხმის უფლება. კომისია გადაწყვეტილებას იღებს სრული შემადგენლობის 2/3 უმრავლესობით.
6. კომისიის გადაწყვეტილებები ფორმდება ოქმით, რომელსაც ხელს აწერს თავმჯდომარე და სხდომის მდივანი.
7. კომისიის წევრები ვალდებული არიან მონაწილეობა მიიღონ კომისიის მუშაობაში და დაიცვან იმ ინფორმაციის კონფიდენციალურობა, რომელიც მათთვის ცნობილი გახდა კომისიის წევრის საქმიანობის განხორციელებისას.
8. კომისია საქმიანობისას და გადაწყვეტილების მიღებისას ითვალისწინებს საქართველოს კანონმდებლობით გათვალისწინებული აცილების/თვითაცილების მექანიზმებს. კანდიდატურათა შერჩევის შესახებ გადაწყვეტილება უნდა მიიღებოდეს ისე, რომ თავიდან იქნეს აცილებული შემდგომში შესაძლო ინტერესთა კონფლიქტი, აგრეთვე, უზრუნველყოფილ იქნეს საბჭოს ეფექტიანი საქმიანობა.
9. მიღებული გადაწყვეტილების საფუძველზე, კომისია ცენტრის დირექტორს წარუდგენს რეკომენდაციას კონკრეტული კანდიდატების შესაბამის საბჭოს წევრად, მათ შორის საბჭოს თავმჯდომარედ, საბჭოს თავმჯდომარის მოადგილედ და საბჭოს მდივნად წარდგენის შესახებ.
10. ერთი და იგივე პირი, ერთი და იმავე საბჭოს წევრობის კანდიდატად შესაძლოა წარდგენილ იქნეს ზედიზედ მხოლოდ ორჯერ.
11. იმ შემთხვევაში, თუ ამ წესის მიხედვით ვერ განხორციელდა კოლეგიური ორგანოს საქმიანობის ეფექტურად განხორციელებისთვის საჭირო რაოდენობის კანდიდატთა შერჩევა, მინისტრი უფლებამოსილია, ამ წესის მე-3-მე-6 მუხლებით განსაზღვრული დათქმების გათვალისწინებით, კომისიასთან შეთანხმებით საქართველოს პრემიერ-მინისტრს დასამტკიცებლად წარუდგინოს საბჭოს წევრობის სხვა კანდიდატებიც.

მუხლი 9. უმაღლესი საგანმანათლებლო დაწესებულებების ავტორიზაციის საბჭოსა და საგანმანათლებლო პროგრამების აკრედიტაციის საბჭოს მოწვეულ წევრთა წარდგენის წესი

ამ წესის მე-4 მუხლის მე-2 პუნქტით გათვალისწინებულ შემთხვევაში, მინისტრი უფლებამოსილია პრემიერ-მინისტრს საბჭოს მოწვეული წევრის პოზიციაზე დასანიშნად წარუდგინოს უმაღლესი საგანმანათლებლო დაწესებულებების ავტორიზაციის საბჭოსა და საგანმანათლებლო პროგრამების აკრედიტაციის საბჭოს მოწვეულ წევრთა ერთი და იგივე კანდიდატურები.

მუხლი 10. გარდამავალ პერიოდში ამ წესით გათვალისწინებული ზოგიერთი სამართლებრივი ურთიერთობის მოწესრიგება

„ადრეული და სკოლამდელი აღზრდისა და განათლების შესახებ“ საქართველოს კანონის 28-ე მუხლის მე-6 პუნქტით განსაზღვრულ გარდამავალ პერიოდში:

- ა) სააპელაციო საბჭო შედგება 12 წევრისგან. სააპელაციო საბჭოს წევრობის კანდიდატების შერჩევა ხორციელდება კომისიის მიერ, რომელთა შემადგენლობაში შედიან ამ წესის მე-2 მუხლის მე-2 პუნქტით განსაზღვრული სუბიექტები;
- ბ) ადრეული და სკოლამდელი აღზრდისა და განათლების დაწესებულებების მიმართულებით კომისიის მიერ შერჩეული სააპელაციო საბჭოს წევრები შეიძლება იყვნენ საქართველოს

განათლებისა და მეცნიერების მინისტრის 2023 წლის 31 მაისის N37/ნ ბრძანების პირველი მუხლით დამტკიცებული „ადრეული და სკოლამდელი აღზრდისა და განათლების დაწესებულებების ავტორიზაციის საბჭოს წევრთა შერჩევის წესის“ მე-3 მუხლის პირველი პუნქტით განსაზღვრული სუბიექტები (გარდა დარგობრივი სამინისტროების წარმომადგენლებისა) მათი თანხმობის შემთხვევაში, რომლებიც აკმაყოფილებენ ამავე მუხლით შესაბამისი სუბიექტისთვის განსაზღვრულ საკვალიფიკაციო მოთხოვნებს;

გ) საკითხები, რომლებიც არ არის დარეგულირებული ამ მუხლით, წესრიგდება ამავე წესის შესაბამისი მუხლებით.

სსიპ - განათლების ხარისხის განვითარების ეროვნული ცენტრის დირექტორს

წარმდგენი: _____
(იურიდიული პირის სრული სახელწოდება)

საიდენტიფიკაციო კოდი: _____

მისამართი: _____

ტელეფონი: _____

გთხოვთ განიხილოთ _____

(წარმდგენი იურიდიული პირის სრული დასახელება)

(თანამდებობის/პოზიციის დასახელება სრულად)

დასაქმებული _____

(წარმდგენი პირის სახელი, გვარი (პირადი ნომერი ფრჩხილებში))

კანდიდატურა ქვემოთ ჩამოთვლილი ერთ-ერთი საბჭოს წევრად შერჩევის მიზნით:

- ☐ ზოგადსაგანმანათლებლო დაწესებულებების ავტორიზაციის საბჭო
- ☐ პროფესიული საგანმანათლებლო დაწესებულებების ავტორიზაციის საბჭო
- ☐ უმაღლესი საგანმანათლებლო დაწესებულებების ავტორიზაციის საბჭო
- ☐ საგანმანათლებლო პროგრამების აკრედიტაციის საბჭო
- ☐ სააპელაციო საბჭო:
 - ☐ ზოგადსაგანმანათლებლო დაწესებულებების ავტორიზაციის საბჭოს კვოტით
 - ☐ პროფესიული საგანმანათლებლო დაწესებულებების ავტორიზაციის საბჭოს კვოტით
 - ☐ უმაღლესი საგანმანათლებლო დაწესებულებების ავტორიზაციის საბჭოს /საგანმანათლებლო პროგრამების აკრედიტაციის საბჭოს კვოტით
 - ☐ ადრეული და სკოლამდელი აღზრდისა და განათლების დაწესებულებების ავტორიზაციის საბჭოს კვოტით

შენიშვნა: გთხოვთ მონიშნოთ საბჭოს ერთ-ერთი დასახელება, რომლის კანდიდატად წარედგინება პირი

დანართი: _____ გვ.

(იურიდიული პირის წარმომადგენლობაზე უფლებამოსილი პირის თანამდებობა/პოზიცია) (სახელი, გვარი)

ხელმოწერა: _____

სსიპ - განათლების ხარისხის განვითარების ეროვნული ცენტრის დირექტორს

განმცხადებელი _____
(სახელი, გვარი)

პირადი ნომერი: _____

მისამართი: _____

ტელეფონი: _____

განცხადება

გთხოვთ, განიხილოთ _____
(სახელი, გვარი)

(ორგანიზაციისა და თანამდებობის/პოზიციის დასახელება სრულად)

კანდიდატურა ქვემოთ ჩამოთვლილი ერთ-ერთი საბჭოს წევრად შერჩევის მიზნით:

- ☐ ზოგადსაგანმანათლებლო დაწესებულებების ავტორიზაციის საბჭო
- ☐ პროფესიული საგანმანათლებლო დაწესებულებების ავტორიზაციის საბჭო
- ☐ უმაღლესი საგანმანათლებლო დაწესებულებების ავტორიზაციის საბჭო
- ☐ საგანმანათლებლო პროგრამების აკრედიტაციის საბჭო
- ☐ სააპელაციო საბჭო:
 - ☐ ზოგადსაგანმანათლებლო დაწესებულებების ავტორიზაციის საბჭოს კვოტით
 - ☐ პროფესიული საგანმანათლებლო დაწესებულებების ავტორიზაციის საბჭოს კვოტით
 - ☐ უმაღლესი საგანმანათლებლო დაწესებულებების ავტორიზაციის საბჭო/საგანმანათლებლო პროგრამების აკრედიტაციის საბჭოს კვოტით
 - ☐ ადრეული და სკოლამდელი აღზრდისა და განათლების დაწესებულებების ავტორიზაციის საბჭოს კვოტით

შენიშვნა: გთხოვთ, მონიშნოთ საბჭოს ერთ-ერთი დასახელება, რომლის კანდიდატად წარედგინება პირი

დანართი: _____ გვ.

ხელმოწერა: _____